

684. **Pleurothallis Johannis** Schltr., spec. nov. — Epiphytica, erecta, gracilis, 10—15 cm alta. rhizomate valde abbreviato; radicibus filiformibus, flexuosis, glabris; caulibus abbreviatis, teretibus, vaginis 2 arcte amplectentibus primum omnino obtectis, 1,5—2 cm longis, c. 1,5 mm diametentibus, more generis unifoliatis; folio erecto, oblique oblanceolato-ligulato, obtuso, basin versus sensim subpetiolato-angustato, coriaceo, glabro, 5,5—8 cm longo, supra medium 6—10 mm lato; inflorescentiis singulis, erectis, gracillimis folium vulgo dimidio fere superantibus, pedunculo subsetiformi, paucivaginulato, folium subaequante vel paulo brevior, racemo ipso laxe 4—12-floro, secundo, usque ad 6 cm longo; bracteis suberectis, ellipticis, breviter acuminatis, pedicellum ovarii aequantibus; floribus in affinitate inter minores, illis *P. Wercklei* Schltr. similibus sed minoribus; sepalis lanceolatis, acutis, intus margines versus leviter pilosis, 6 mm longis, lateralibus obliquis, usque ad apicem connatis; petalis oblique oblongis, obtusis, glabris, uninerviis, 2,5 mm longis; labello leviter curvato, e ungue brevi linguiformi, obtusissimo, supra basi margine utrinque lobulo falcato-lineari obtuso instructo, infra medium leviter 2-carinato, vix 3 mm longo; columna leviter curvata, apicem versus paulo dilatata, 2,5 mm alta, clinandrio minute serrulato, pede brevi; ovario cum pedicello aequilongo, cylindraceo, glabro, 3,5—4 mm longo. — Guatemala: Pan-samala, Alta Vera Paz, 3800 ped. — H. v. Türkheim, no. 801, Oct. 1885.

Ich habe die Pflanze lange als eine Varietät von *P. Wercklei* Schltr. angesehen, habe mich nun aber doch davon überzeugt, daß sie eine eigene Art darstellt.